

呂
晚
村
詩

萬感集

東莊七

山水各宗支

脉向背意態殊風土因之隔於

人何親踈適意成主客昔我避亂初小築公山側百家
飲一泉隣菓任飽喫人區或萬狀性情無兩格古姓聚
為村樵採多叔伯午後始開門槐花深一尺

引水植林木踈密還自然人力所不至亦各任其天黃
熊治水土至今大更遷陰濟竟伏流河尾掉淮堧西折
若木敷東挂扶桑顛天地且縱橫聖賢已無權

中夜熱徘徊理鉛刀入拜朱門旁出為蓬戶豪但能飽
味嗟寧復矜羽毛有勅放還山頓首危露尻臣非首陽
儻安能長翥書往長樂公其門多女曹

跛者命在杖渡者命在舟人生依萬物得失不自繇有
愁何以銷客或進一筍謂客酒可忘吾愁非真愁痛飲
雖至醉不入伶籍傳此酒有時醒此愁無時休

截樹作農具云是古人重去我數百年樹藝與我共想
其灌溉時豈為今日供扶疎屋有陰桔槔田有壅取舍
固不同亦各適其用灑酒報九原感卿為我種

微寒盡餘威園林納新意品類紛有名皆從上古至我
生與萬族衣食各生智鳳凰咏珥玕鸚鵡鼠甘糞利當其
經營中了不異人意苟為易地謀兩相唾棄鬱成
都桑勞有深義自非天下才此事良不易嘗恐時數
來便令負斯志妻織兒勝鉏悠然足高睡

巢許薄四海商賈論隻錢自利同一私意趣冰炭然擾
擾衢路于背背爭後先朝結王侯襍暮接公府籟但聞
心血枯不知脚踪酸賤士勿感歎身貴心不堅

良農登高閣重林向我開魚鳥各有歸生民安適哉黃

真武廟作詩書成土灰孔文超平其萬一回聲者

能廢科書東海老腐儒
笑出蒿萊其樂有餘樂
其哀有餘哀

却子雅好事拔桑種桃李
自非古者情特為花草使把
菊提陶公片荷說周子
昔人千載存荷菊豈與此一露
滴枯桐此心真不死

獨樹不求伴月輪浩孤行
寥々亘今古天地無柔情故
步入廣野秋旻何崢嶸
慘滅同一色微物安得爭羣將
委衰運哀吟竟何成
我轍尚可返我廬尚可營
雞犬識親疎俟我出柴荆
自非淮南王誰使汝長生

園林早秋

池館莽蕭森。送天起夕陰。樹生窮老意。燕發別離心。病
骨蘇先覺。愁腸割更深。一聲空外至。記得去年砧。
可怪傾欹壁。堅牢仗薜蘿。貧家秋事少。破屋夜聲多。雨
斷一蟬弄。日斜雙蝶過。故人書近絕。不復報如何。
爽氣朝來迥。西園景愈清。鷺翻黃荻影。雁落碧梧聲。輕
薄葛衫見。疎籬竹簟生。尋常看節序。不似此傷情。
瓦檣驚風厲。牕虛曉更吹。霜禽號異域。露葉泣非時。遇
物皆成歎。為心那不悲。小樓深閉却。莫遣早秋知。

亂後過嘉興

客地三年別。渾如未歲時。路穿堦礎井。級滿隄泥生。

面頻驚者紳音為學其烽煙一悵空灑淚獨題詩

雪踪降書下嘉禾獨出師儒生方畧短市子弄兵癡砲

裂靴推屋門爭路壓屍絕城遺老入此地死方宜

城臨臨

虞求先生獨
絕城入死之

間有生還者無從問故宮殘魂明夜火老眼濕秋風粉
黛青苔裏親朋白骨中新來鄰里別只說破城功

秋日過孫子度

沿村秋事盡詩材自引殘身入向來糲米便教三樣買
菊花且莫十分開榜門謝客蝸添字畫壁看山雨點苔
一段風流須記載水邊破屋見傳杯

田家女

桔槔鳴遠林，昨嬰散平楚。田家惜人工，踏車用寡女。但
愁苗葉乾，豈問荒機杼。天風割骨寒，尚有皮肉阻刀劍。
措飢腸，智勇不堪煮。隣里重婚媾，遣媒相迎取。寡女前
致辭，此事諒不舉。生男馬前啼，生女馬上語。馬頭各東
西，那得儂與汝。棄捐耳上環，寧復作男使。男死倚道傍，
女死不知所。

劍客行 同念恭兄作

造劍華山顛，淬劍蜀江水。勿子精靈碧鞘中，老妻粉黛
紅。蓬萊劍器有神人，有術兩者無形煉。成一闕河往返。

名黃昏都市報施
日肝膽粗豪心計深唯諾遲疑
功驗疾仇讐曾為匹夫謀生殺不由天子出從來喜聽
言史遷我亦求之二十年雞偷狗盜頗不少自云劍術
終無傳荆軻論利彼何有曾令秦王環柱走咸陽殿上
今何如却笑荆軻劍術疎

寄秦開之先生

芳華理難再及此秋色暮回首已知非
途巡復如故憶昔少且狂飛動過狡兔
汗德制科書低頭死櫛句細於蒼
蠅聲輕於薙上露累墜及牛腰無非
速朽具人心忽異類成羣畔傳註因畏
聖人言充塞仁義路以此相感

召陽窮氣凝江舉報驅腐儒挽舟向南渡風昔或引領
今日復何怒愍子常甲申焚棗少所作聖處莽未窺意
已薄詞賦迄今忽十年俯仰愍師傅昨歲嬰禍患刀鋸
頗無怖不謂重流連愈滋後免懼弄筆染墨丸徒為食
書蠹曠輪沉東溟安能老巢務

見釣者

老漁倚棹黃蘆根細香和餌絲作綸無邊春水杳何處
日暮煙生知有人持竿終日無所得白鷺啣魚隔江食
風掃揚枝入釣舫滿溪愁殺桃花色我來行吟一問之
太息老漁不解詩我句君得否徒空石坐詩中自不知

李氏之臥疾各處園

一池橫截小橋通，屈曲危闌倚放翁。

兄自號天放

客散自從

金盡後，夢歸嘗在酒醒中。孤雲擁樹烏頭白，落日啣山鶴頂紅。便可此間輕負俗，閑闔羞說出門功。

兄弟聯翩運一門，當時佳麗友芳園。

兩伯祖與祖園，豈為一榜曰友芳。

那看荆棘銅駝影，又哭冬青杜宇魂。祖父豈知新室臘，兒童還記義熙元。殘身直與天心迥，躑躅吞酸不敢言。

池上草堂新水生，靜容閣畔換流鶯。

水生草堂靜容閣園中北岸

十

年臺榭，渾春夢三月風花，抵太平夾道曉星懷北闕。橫

江夜雨想南京。

兄以徽辟兩入燕都弘光時驅歌江上

孤臣剩有沈瀾淚

臥聽悲笳時一傾

三徑從今便欲荒翳然林木近濠梁

翳然關在南岸

天涯戰伐

聞人說海內

舉世忘盡壁自摹真故土酒杯纔放

即他鄉可憐老令飢驅使強向人間乞糴梁

東莊閒居貽孫子度念恭兄

大地無宮闕羞稱山澤臣未能言決絕直以戀交親海
霧留煙客江雲傍路人近傳深谷裏猶戴穀皮巾

日月邛中沒山河磧外遷一丘猶故物百歲亦殘年
木橘輸輕絹姑榆落小錢養生心計拙無賴向桑田

手集卷子古詩真稿

魏尚書
留得江南幾句詩
身遺書片
浮波何處
甲申以後山河盡

過仲音兄邨居

棄置舊池閣來從茅舍居
命奴收落葉課子理殘書
官豈朝廷罷身猶死喪餘
杖藜還數世那敢賦歸與
兩子先成長能文粗足觀
豫思渠輩事遙當太平看
亂逼乾坤窄愁牽歲月寬
不知邨路裏何以慰荒寒
小徑泥封竹虛堂石挂蘿
病愁賓客滿貧覺子孫多
丘壑聊如此兵戈奈爾何
平生幾種意今日慎風波

看張鉉菴種菊醉歌

亦頗愛看花而無種花性看花必種花此為花使令看
花種花心本同情至為癡懶亦病蝕菴先生老益癡今
年種菊滿東籬芙蓉芍藥安足數西施寶相無新姿河
南舊樣高一丈淞江細種貴低枝枝々相當葉相連蝕
菴裁剪自有權花到名高命亦薄六月不雨地欲然赤
脚抱甕口生土拂露驚看小赤虎髮卷甲脫太瘦生傳
說先生種菊苦花魂初返嬌無力草堂一夜開顏色遮
莫西風徹骨吹從來至性迎霜得感君知予愛花人酌
酒看花懶亦頻花影淋漓上高壁燈花搖曳寫天真近
枝深隄遠枝淺正等閒素無二句詩子變相好粉本墨

痕狼藉猶新鈞世一取謂言五憑君舉似安比倫積
水空明橫苧藻此語差足傳其神我聞宋時寫生手徐
熙之後黃荃好一枝半節生意全鈞金疊色得未有國
朝呂紀守古法意態往々落窠臼江南只有陳白陽天
然爛熳恣顛狂花無輪廓幹無骨縱筆所至聞空香氣
韻生動六法備一洗書院博士方兒子繼起亦神駿不
若浙東徐文長此君腹有數卷書所以下筆人不如酒
酣痛哭東海上掉臂落紙何扶踈士不得志鬱佛死此
花今始直錢矣請挂家藏寒菊圖壁上庭間誰得似

畫寢

篤不堪煩事常懸虛復清
避人知太古入夢見平生
小雨荷錢受微風竹箭爭
起看雲漏影壞壁夕陽明

送于度游吳門

故國皆殊域他鄉豈遠行
詩囊隨路拾粉本遠山成
濃樹湖邊屋低帆柳外城
漢梯與僧磬夜泊最關情
掃徑一為別閉門曰予歸
偏於出入處憶得友朋稀
菱浦浮鷗破菰田宿鷺飛
知君興會好只是惜離違
笠澤吾亡命茗溪君播遷
天生種秫耦人欠買山錢
詩畫難論價煙波小結綠
歸來休問訊且復對牀眠

清池卷說

杖履恣所適，清澆於一身。石稜留足穩，松蓋受風勻。犬
病時捫蝨，魚癢不識人。亂餘難見此，便欲買比鄰。

秋行

用竭芒屨力，穿畦又遠籬。古却只數姓，社廟各分支。風
俗暗相易，衣冠漸見疑。因思管仲父，是汝論功時。

留別社中諸子

霧雨連吳越，真成浩蕩游。孤花明野壁，歸鳥息扁舟。草
跡隨人遠，江潮帶客流。諸君能見憶，一爲望茅州。

登句曲毘盧閣

傑閣松叢滿，四隣輕煙初散。颺微塵，孤城市罷門當閉。

古寺樓高山自親海內六年多難日江南千里未歸人
同游錯會僥闌意笑指三茅好探春

春去與子度

倚樓猶著木棉衣蒲柳陰深已合圍春自全身潛引去
花殊強項不同歸醉來那記禽殺變行處旋驚草徑非
太息世間真賞絕風光流轉莫相違

子度歸自晟舍以新詩見示

紅羅真人起長濠東南兩鬼從遊遨兩鬼者誰宋與劉
一逐大雅追風騷青田奇麗得未有入手雷霆出科斗
金華學使有淵源寔食六經語不苟白沙瓣香擊壤吟

定山別鼓無絃琴可憐一墮野狐窠入銀煙流成樂金
依口學舌李與何印板死法苦不多濫觴聲調稱盛唐
詞場從此謫傳謔七子業興富著作沙飯塵羹事剝掠
攀龍無忌恣欺狂世貞拉雜自言博景陵兩僮矯此弊
不學無術惡其鑿至今流毒各縱橫呌呌吾聚族爭
雲間未已西陵起一吠百和迷形骸古來骨朽不能言
夜臺魂嘯天乎冤音已彈歌長已矣千秋萬世那可論
吾有老友容菴氏古今詩格何所比漢魏六朝唐宋元
偶然筆落某：似昔年從子從君游學詩學杜學夔州
爛熳東坡與放翁指端歷：有京流因歎容菴真博雅

腹中多書手瀟灑我輩時人那得知外間藉：胡為者

去春抱硯行吳門吳門冰作雲間孫

西陵繼雲間今吳門又繼西陵矣

吞聲急返故園棹到家自喜舌尚存乞食今投苜蓿裹
苦吟夜咽昏燈底詩成老畏後生看巾箱小本側理紙
竭來携示大於甕開牕細讀胸欲洞韻脚流轉法度新
下字清嚴卒難動驚君一變頓改觀君云此事非所難
與子相期更有在寧能老死弄墨丸嗟乎孫子空悲哀
今何時與生此才疇昔天帝嘆兩鬼洩漏造化成嫵猜
何如作伴逐遊戲結璘鬱儀子歸去來

比隣乞大報。豈異毛鬣體。真虎豹微力。過猿猴捷持。
歸拜雞犬。悉使情相接。命名曰雪精。臥起擬婢妾。盤飧
奉養尊。魚蝦恣漁獵。庖厨固所司。亦賴守筐篋。羊質蒙
羴比。小勇大敵怯。不敢搏飛翾。頗善捕游蝶。主人一長
歎。皮相終不愜。留爾傷羣生。安能建功業。棄置大道傍。
歸看鼠蹊蝶。

友人示與季臣兄倡和稿感賦

故人惠示論交詩。長跪讀之雙淚垂。宿草友生猶痛哭。
連枝兄弟忍相思。十年游俠千金盡。九世仇讐一劍知。
為問門前車馬客。還能杯酒憶當時。

兄破家結客坐。上嘗滿及雞舟過所。

景厚者度之亟去
病甚無一顧也

孤山道士余體產乞募大滌依韻答之

把茆大滌久尋思寄示菴圖興更癡但使春城堪乞食
不須華表問歸期醮壇夜靜鶻鷗哭行殿秋寒鴟鵂知
他日吾從方丈老滿山峭壁讀君詩

自題星書

退之日次玄龜首坡老身居磨蝎宮簡點平生無一似
如何也直斗牛中

題白虹研

但有虹貫月竟無斯人秦可憐易冰上愁殺白衣人

張張集

餘姚黃晦木見贈詩次韻奉答

吾頭猶戴已殘身，袖相携亦點塵。
遠抱硯山尋北固，偶隨流水過西鄰。
井中史在終難滅，壁裏書傳豈易湮。
今日草堂占氣象，星光劍氣摠非論。

季臣亭卯便仙游，猶子成仁十四周。
為痛念恭心輒碎，更思子度涕嘗浮。
浮生纔少壯成孤影，哭向乾坤剩兩眸。
莫謂衰頽甘退舍，頭顱三十已堪羞。

贈鄭高旦中

病中驚寤嶽峯來，天化呼兒候百回。
直是君過消息大

非關人語夢魂開不盡老友成奇跡偶論醫方見異才
坐計耦耕猶未得賣文乞食揔堪哀

女兒偏識伯休名市子徒知義宋清豈道君行全
餓友反令世上活蒼生五更星飢聞清磬十月霜橋傍小城
驀地愁來麾不却看雲步月便多情

讀書種子苦難逢大半耗磨向老窮未必古今真不及
只看吾友豈無同聰明自到支流位置難安方技中歲
月漸多人漸少地爐畫得死灰紅

贈餘姚黃太冲

山煙海霧事何成頭白歸來氣未平
黨籍還憎吾子在

詩文偏喜外人爭，亂雲瀑布尋書院。細雨輕帆過舊京。

此去茅簷休凍死，留將筆舌掃妖槍。

時太冲游廬山歸

絕學今時已蕩然，與君一一論真詮。神宗以後難為史，劉子之徒蚤失傳。洛下久忘加倍算，燈前細注五宗禪。閉門正有高量在，春水遙迎江上船。

同晦木旦中宿黃復仲表兄山堂不寐

矮屋霜濃透骨寒，擁衣起坐話閒關。年々但覺去年好處，無如此處閑難過。短天長似歲，不堪細事大於山。野鳥啼罷窗檮白，炤見疎簾古淚斑。

次韻和黃九煙氏部思古堂詩

隨地堂懸惡古類尚君翹首思何人空城不返青衣主
大澤猶存雪窖臣驅去那容三處窟贖來難得百其身
相公今日還僥倖省識却婆夢裏春

躍馬誰當擦要津騎牛何處會真人閉門甲子書亡國
闔戶丁男坐不臣黥卒敢爭莖豆食髡鉗未許漆塗身
縱然不死冰霜下到底難迴幕北春

二月江南柳正新折來絕塞送行人黃金臺下已歸國
客青海灘邊賣國臣落日清笳催牧馬當時便殿乞留身
隨他水草時相傍不見王孫故國春

絕域難憑消息真尺書到日尚為人穹廬每舉蘇通國

遠道時逢鄭虎臣任爾循環微躡足倩誰荷鍤活埋身
汝曹亦復能思古艾席葭墻處上春

先生思古真奇絕思到從前無古人投足盡為天蓋野
舉頭敢告地行臣此鄉莫謂非吾土大患元知在有身
自是關南皆柳色從教割絕玉門春

同黃九煙黃復仲黃晦木高旦中萬貞一飲西

湖舟中招謝文侯畫像分韻

黃霧瞳矓白日昏輕舟破凍舉清尊共驚人面如湖面
不是霜痕即雪痕烏帽紫衣誰更好循刀覽鏡我無言
畫成不怕山靈笑兩岸蒼崖石髮光

湖山本作畫圖誇畫裏為圖興轉加豈是塵埃雜物色
誰從冷淡覓生涯峰頭雪陷尖銚出水面冰開破鏡斜
欲起犁眉問消息東南還發舊雲霞

黃九煙以奇才吟見贈歌以答之

壬辰湖上逢老杜謂我酷肖閻古舊年城北遇太冲
又云畧似沈崑銅今年邂逅黃進士更比泗州戚緩耳
崑銅意氣頗豪麗左絲右壺我不如太冲云曾游廬山
有人夜哭五老間忍辱仙人詩义手得出以示我夫顏色
不知戚生何許人黃公稱歎幾絕倫我本為人在中下
一以為牛一為馬諸公意中自有為擬人亦各依其類

人心不同假如面仲尼陽貨猶相眩但就意中取一端
虎賁可作中郎觀泗州有塔有威生君與二者為將迎
威生人物未暇計君詩云：儘奇致此地如何得此才
嗟爾遠道胡為來君謂吾才如威奇雖無寶塔人兼之
自顧不寧羞寶塔亦復汗君賢威理奇才滿地多如麻
如留良者斗與車君雖有腋不過兩安能盡挾奏天上
吁嗟乎崑詞已死古：逃我今何處求其曹寶塔不移
威生遠誰復與君相纏繞君乃流離我局促孔雀不知
牛角觸我還壁立君蓬廬白龍魚服困豫且不如飲我
酒唱君歌與天同醉亦同醒天其奈此兩任何

晦木將之金華次韻送之

浙河西去萬山幽，授拖牽挽上逕流。只可神仙稱福地，
那堪窮餓作閑游。拙於乞食陶彭澤，老尚依人劉豫州。
路過西臺休繫纜，客腸易斷况逢秋。

南陽却舍儘清幽，久擬同心結隱流。怪底每逢江上約，
無聊又作洞中游。但令吾輩儲餘粟，豈使君船到遠州。
努力歸期烏石子，三人明月話中秋。

同黃九煙陳湘殷陳紫綺吳孟舉諸子集東莊
梅花下聯句醉歸仍分賦五首

嫁得南陽老，何如處士才。池荒却月鏡，壁立避風臺。隣

曲尋常見闌干次第來
寵家賓客慣雜坐莫相猜

似曉伽神女生香非鼻聞
坐深忘爛燬空際覺氤氲
日炙枝、透風篩樹、分咨嗟
誰獨切只有鮑叅軍

增置看花局新租載酒舫
樹稍分綠水籬落刺青天
處子肌膚削先生幕席穿
南隣多覓伴出飲便經年

鐵石心腸在風流賦更高
何須招楚些直欲反離騷
點染西州艷侵凌東閣豪
英雄尊酒滿近不數劉曹

勝事催浮白名花界蔚藍
詩聯強韻過酒戲暗闌
按達隴達消息低簷索笑
談殘魂迷嶺外春夢遠
江南

仕宦重科自莫與進士比進士爾何能：作八股耳其中并多不能者一行作吏無須此三百年中幾十科：

數百人印纍：如今知有幾人名大約盡同螻蛄死人

言螻蛄可憐蟲吾言兇惡過虎兇謹具江山再拜上宗

禎夫婦伴緘貶崇禎末有人書一儀狀云謹具大明江山一座崇禎夫婦二口奉申贊敬脫生

文八股頓首拜貼于朝堂亦憤時嫉俗之言也解者云彼多小官寧便饋遺列

副狀不知持囊挈榼皆以曹雖不與名實相餉此曹面

目人人殊吾今畧得悉數之胸着不滿芝麻鑑句讀不

斷打油詩一自分符試郡縣便漫天眼剥地皮善事上

官及權貴好官得錢恣我為亦有假廉徼初譽依傍門

戶求噓吹欲取固與祖機智後來貪黷無人疑顏衣滿
道盜滿谷吏部年：轉資祿萬金欽取入臺垣千金行
取亦部屬幾遷幾擢幾州臨一轉一陞一路哭笑指銅
駝臥棘間直如過眼之雲煙歸仍不失富家翁出仍不
失說事錢官仍不失士夫體私仍不失熟客緣出我當
時阿堵物利市三倍歲十千天下空多閒笑罵人生須
有好園田君不見伯顏已至臨平市阜亭山下青煙起
臨安猶自鞏黃金甲科榜中買姓氏初疑此計太癡顏
事後方能悟其旨大元法度儘寬仁猶得例稱前進士
以今較之若合符持籌握算皆其徒其徒所憎有數種

第一最憎孔孟儒。來輒敗乃公事。安得橫財鑄十鎊。
其次大部線裝書。讀之令人發狂迂。坐使後生失環巧。
不肯抄掇從時趨。其三同年及僚舊。一見便須較中廚。
若復痛飲且善噉。所入不足供唇酷。其四憎好詩辭者。
文字之禍多連株。支靠石出苦不巨。自恨昔曾識之無。
其五貧士尤可憎。來非乞食定貸逋。見之先當道貧苦。
若待開口難枝梧。凡此數者深痛惡。鍾山黃公一身具。
况復叩門拙言辭。以是十往九不遇。怪爾亦曾同出身。
進士當存進士度。行須張益坐華堂。胡為蹶躓走霜露。
餓死杜甫窮死韓。雖有高名何足慕。終朝兀兀哦不已。

此事亦非貴人作大字那學儋父顏草字那學老獠素
自古書足記姓名安用蚓蛇滿紙汗匣中私印不過兩
上記官府下租賦雕蟲小技古所恥底事諧叢考轉注

先生善書及篆
印好山水神仙

山水窮荒有何好神仙多為藥所誤君

今好奇入膏肓不治煙霞泉石痼聚徒教授昔雖多自
是腐儒死章句煌煌進士乃為此縉紳顏面俱黜墜子

弟已去為朝久自有新書何用故

時先生欲說
講肆於里中

聞君當

時在戶曹美哉主守多錢刀肯如吾輩小放手雖不敵

國亦足豪變名竄跡徒自苦大家豈復有吳臯

先生更
名人字

畧似說半非竟
微居無留者

恨君不讀長樂傳試飲一杯看一段五

朝八姓十一帝達人應作如是觀善哭莫如晞髮于其
後式微豈長算君既盡夫臺閣體豈可尚作進士喚我
聽此語一沾巾如君進士方為真請看寶祐四年榜六
百一人何麟：宇宙只存文陸謝其餘五甲皆灰塵今
日有君便無彼那得令彼不發嗔如君進士方為真天
下紛：雞立身半非畧似君尚云此曹豈復堪為人

人日同黃九煙飲

雞狗猪羊馬復牛排來件：壓人頭此曹更以儒為賤
吾道原無食可謀何用竿邊看日影且從杯底探春愁
一談一笑闌休咎慎莫題詩寄遠州

穀日又同飲

貧家無地亦占天，此日陰晴管一年。
甕底剩傾過節酒，陌頭新算上工錢。
例於是日老妻治餼催春早，糴子糊燈待月圓。
痛飲苦吟俱不惡，連朝已當地行仙。

喜吳孟舉至東莊看梅

何處著花早，南枝勝北枝。
欣當初霽日，佳在半開時。
粉本池中得，宮妝石上知。
莫譏人寂寞，刻竹記新詩。

不是揚州廨，江梅亦屬官。
僧間尋佛供，隣厚借人看。
曲徑開旋廢，疎籬補未完。
儘教攀折好，高髻壓團欒。

送晦木東歸次日中韻

東西南北莽招寬誰遣巫陽下九門共笑窮愁頻舉子
君歸娛老好添孫鄉心逐步看山影別恨沿江記水痕
莫忘驛橋南畔約榴花開日到荒邨

夏日集飲水生草堂限韻

日沒城西影極東玲瓏穿過樹梢紅枉判我輩生今日
豈少閒人醉此中淺閣燈明魚潑刺小槽曲誤客冬烘
凭闌四顧蒙茸處纔上冰輪便不同

過西錦董雨舟次太冲韻

雨長菱蒲沒淺沙推篷直到故人家泥塗行竈晴綠藕
紙裙薰籠夜焙茶筆倚硯山經白網刀懸土壁鏞黃花

艱難蘭斧通盤筭始悔從前下子差

寄黃九煙

聞道新脩諧俗書文章賣買價何如

時在抗為坊人等祀官書

冢顛

已捍笞奴杖

一僮忽去

座上時燒送鬼車圈鹿欄牛名字

熟飯囊酒筭語言踈短函封後無人寄愁殺相思華子

魚

寄晦木次旦中韻

老笋高抽十丈身梓鬚榆筭萬條新忽聽格磔鉤輶鳥

便記欽崎磊落人

晦木自號鷓鴣

弄子弄孫多亦累賣漿賣餅

關仍貧懸知愁到難排處惜不聽渠定憶臣

曾勸晦木勿携請子

歸粟食且務

省約故云

城南執手訂端陽不謂猶然老是鄉山頽此時塗石綠
街頭昨日賣雄黃封題却寄松蘿樣烹試知添餅餌香
奉供不多殊有意別留箬簍待來嘗

兀坐情懷迥不同只同一事想江東米錢長驗低昂月
秋水軋愁早晚風歸便試蒸淥酒白來猶及看蜀葵紅
報君休記梅山屋新換荒園小閣中

病髯狼狽又過前坐歎行吟亦復然萬事攢心看白屋
一時叉手立青天家書乍讀成稀熟醫案多忘少貫穿
安得林頭生兩翅消磨今夜不能眠

原本中四句云脉脉語通波底月溶

溶身坐水中。天竺蕉綠盡。心還卷揚柳。青回眼更穿。且
中見而驚曰。昨夜聞鬼吟此四句。甚淒清不意乃兄詩
也。余惡其墮鬼趣。故更今句。

倚墻倡和苦營思。長頸彌明語益奇。便擬署為蛩駘集。
只嫌猶欠鷓鴣詩。閒鈔宋律違時派。自刻方書惱俗醫。
晝睡敲門應撫掌。呼兒襍被望西馳。

飲含山泉次韻答太冲

老甕年深不起苔。乳泉無影瀉磁杯。喃喃誰出尖酸語。
未到含山脚下來。

騎火新茶解箸嘗。沙鐺桑炭沸聲長。江東薑頰天然硬。
淬過寒泉鐵也香。

一窪石眼傍邗流風味天生出一頭已被東莊收拾盡
頽山只合屬他州

太冲又以詩爭含山泉用韻再答

斷開山骨剗頽苔不是尋常到拓杯若與廬山強差別
斷君未飲谷簾來

山居老識山泉味乍見茶甌較短長飲過含山西畔水
歸憎家茗不生香

北源初到試新流品出頭網最上頭不煮江西生草子
此泉只配享徽州

且中以詩解爭而實佐太冲也再用韻答之

口中生土舌生苔浣滌惟須飲一杯儘說姚江泉味好

莫從葱嶺帶些來

太冲極口餘姚化安泉

水經休遣誤平章只飲它泉理亦長肯歸家山真臭味

傍他鼻孔索空香

它泉在鄞

涓：續：自源流天外何須更舉頭睡醒芳甘留舌本

帶將一滴灑明州

至東莊次太冲韻

自家意思果何如只會牕前草不除休矣署門堅謝客
欣然蔽席肯移居人間未定三朝史天下難分半部書
急召梓人巧者計風：雨：薄蓬蓬除

看宋石門畫朝川圖依太冲韻

銅盤夜落墨花細
剡中老人愁不寐
起挑燈杖寒焰生
蹴醒共話山居事
山居布置當如何
我有舊圖試展視
三人頰骨相支撐
神游其間如魘魅
因歎當時生右丞
以較今日殊不類
所以其詩爛熳音節和
不似吾曹激楚叫
顛顛孟城坳起至椒園
逐段據圖合名位
界畫屋宇鉤勒雲華樹
竹石一一從詩義
或言爾時天生有李
郭草莽風流得不墜
吾謂幸逢祿兒胸腹寬
凝碧池詩畧無忌
今觀尺山寸樹尚畫四五丈
其中亭榭艇子帷帳
几榻爐椀斲罌研床書冊
茶竈藥磴弦琴酒榼禪座

變相賓客童僕娛心樂志之具莫不備不知思明政扈
迴紇貪殘百里內何以無兵至又况藍田汧渭間用兵
正復秦隴自猶之遼海及荆襄萬曆末年崇禎季此中
豈容詩畫人出入攸往無不利憶我乙酉避亂初全身

持向萬山素銅鑪石鏡公山溪

在臨安縣南與富陽
桐廬諸山溪相連 嶼

轉灘開負竒致雖無別業比鞞川化安烏石差無異萬
馬搜山失脚來每閱此圖輒三喟亂後流落經數家破
產贖歸辛卯始飢持質米寒質衣手爪揩摸落青翠願
賣此圖還買山指天向人不相戲故事請得此研山海
嶽菴近甘露寺縱橫置屋數十間左右可容吾友寄此

事但果卿亦豪百口豈敢為人累富者不應貧者笑抱
卷入門墮雙淚

吳孟舉示書畫用太冲韵

吳中骨董真弃固揣骨聽鼓叅死句字畫從不論筆墨
繅紙印識傳師傅吳子好事乃鄙此爬羅捆縛致無數
就我分考上下中予值幾何亦并註第一研青裱宋箋
審定枝山蹟無誤不同梅華十九首蒸餅惡札假懷素
祝書最多此二種偽跡
所示有一卷亦其流也其次文衡山行楷印板子昂老
骨度兩卷相較祝詩好頗勝爛熟湯碗賦前後赤壁賦
寧人每寫之
磁寬誣雅宜及三橋王百穀等目難寓閭門老手一筆

成更用香薰灰渲作六如小畫樣本佳想其臨描苦細
布買骨且取燕昭意空羣莫作伯樂顧雖非神物風雅
存裝演慎勿杭匠付濃漿牢禱仰覆瓦啾々墨精叩頭

訴

杭祿多用厚漿蠢拙不堪尤易瓦裂難於重裝檣李
近有張公聲雅擅此技雖碎繪朽札能絲縷補湊復

還舊觀亦
神品也

懷四明高辰四次太冲韵

不面非關草樹遮海門潮截亂山斜月當天上心情共
雨過江來時刻差割盡珠蘭存末利換來脫粟下蒸茄
池中花鳥知君意怕惱比隣也不諱

所居分
以住兵

同悔木且中過陸水修辛齋

微陽櫓背逐人來
黃石堆墻幕細苔
却市早喧園笋出
板扉晝掩海棠開
此間有我真滄父
古者如君豈怪魁
便欲相携醉春酒
階墀新鑿滂郎杯

無下知君許賃春
一鄒五石恨難容
孟嘗身畔饒雞狗
水鏡胸中只鳳龍
庭隙閒拋書帶草
墻頭怕對劔鋌鋒
尋常風角關心處
不為陰晴問老農

題如此江山圖

如此江山圖宋末陳仲美畫按序南渡後有
如此江山亭在吳山宋遺民畫此圖以志意
有紫芝生題四字國初元人張光弼呈與客

登山亭悲歌於道士史玄中家得此卷題之
始有序有詩其悲亡同不知所亡之異矣亭
今無考而畫傳和詩者無論宋元混作興廢
之感予今又題焉恐後人之齊視並論也歌
以述之

其為宋之南渡耶如此江山真可恥其為崖山以後耶
如此江山不忍視吾不知作亭之人與命名之者但聞
面會稽之山俯錢唐之渚慶忌之墓枕其背伍員之祠
拊其趾宋之大內實其腹中間髣髴有遺址此江此山
路最熟按圖索之了不似想隔承平三百年此意感人

不復起江山舉目興會殊反嫌此名無所指因共去之
事不傳草蔓煙荒同廢時麗農何處得此圖畫圖者誰
陳仲美題名者誰紫芝生其人不幸當元紀不知畫亭
與作亭心同不同未可擬今看亭前引騎從不類跋鼈
驅夾承黃蓋攔邊鹵簿隨定有大官鼓吹携歌妓又看
亭中餽釘羅盃盤列坐三人二人侍指點若云風景佳
豈有新亭泣向西風醜又看亭外環却莊稻堆十丈籬
邊峙酒旗斜挿釣艇橫太平百年庶幾有此事以是釣
索畫者義全無心肝直戲詭細看其中飲者皆黃冠鬢
髮上生疑道士領方袖濶容甚都何不蓋頭赤笠于吾

今始悟作圖意痛哭流涕有若是當時遺老今遺民自
非草服非金紫如此江山偏太平越畫繁華越愁悵不
見鄭億記私書只好鐵匣置井底又不見梁棟愛做詩
庚寅受禍依其弟以今視昔猶今吞聲不用枚噉嘴
盡將臯羽西臺淚研入丹青提筆泚所以有畫無詩文
詩文盡此四字裏忽有詩文出山巔洪武戊午張昱始
序仿蘭亭係七言九青五韻和滿紙序言王基霸業荒
東西南北人飄徙詩言無限英雄恨付與江湖醉後耳
其後和者皆下中感慨都為原唱使潛溪紙尾亦次韻
中得一聯吾乃意後來文物未雕零前度衣冠落莫死

二句宋詩語

此語差足強人意吐哉豈恨爾何理人生淩落須有情為宋為元請所倚為宋則迂元則 兩者何居俱可已較之作亭畫亭心不帝去而九萬里嘗謂生逢洪武初如瞽忽瞳跛可履山川開霽故壁完何處登臨不狂喜怙終無過楊維禎戴良王逢多不仕悲歌亦學宋遺民螂蛆甘帶鼠嗜屎劉基從龍亦不惡幸脫

近簪珥胡為犁眉覆詭詩亡國之痛不絕齒此曹豈云不讀書直是未明大義爾興亡節義不可磨說起一部十七史十七史後天地翻只此一番不與亡國比故當洪武年間觀此圖但須舉酒追賀畫圖氏不特元亡

悲宋亡之恨亦雪矣因慨此亭國初猶好在不審何
年致崩圮其時登者皆無情我輩情深亭已毀古人如
此尚江山今日江山更如此安得復起作亭人南宋興
亡詳所以更問元時畫圖者所見所聞試相擬併告國
初題畫客今君所恨何如彼人不可復生亭不可復在
拜乞麗農為我破墨重作圖收拾殘山與剝水

餘姚陸汝和至得太冲詩札依韵寄懷

陸子帶書來航船行近夜科頭莽將迎正課童除架挑
口開封函餘光就簷罅讀訖魂黯然周旋記仲夏放誕
笑尻高苛政覆杯擘懶惰荷鞭影如趕牛拖壩皮鞭脊

骨瘡篤速猶未赦怪接西園信

澤皇病信

遽棄北郭舍送別

還入室書帙紛委藉舉手一整頓不覺淚雙下東西南
北流置水平地瀉何圖三令弟八月溘然化撫令類嘗
葉思昔等食蔗昨夜夢見君瘦過鴛鴦爰披帷急起坐
牕櫺月斜射顏色疑或真哀痛理當謝

次前韵寄懷晦木

驛南別一朝閣上話三夜最恨箬篷舫柔櫓當艣架相
思比日車晝夜轉無罅豈謂經半載過秋不但夏餽餅
廢堆盤醇醪罷洗箏年：為友朋三江歷九壩每云經
此塗如罪流不赦母老令弟喪今寧即離舍道路有高

五駢蛩昔倚藉渠今復南上君豈能北下念此令人痛
淚近搭溜瀉又聞抱微病應坐愁不化人生老頭甜或
同倒嗽蔗莫添洪爐炭肝肺怕薰炙飢凍過毒矢日
當心射家翁做不堪癡聾術可謝

研墨作君書踟躕過半夜踟躕欲何為窺盜復視架想
君臥破屋燈火穿壁罅豈無木棉衣未冬先典夏但用
江西室莫求哥定掌但搭日行船莫怕長安壩薑桂性
不移物理漸輕赦曾約石榴紅襪被到寒舍忽、籬豈
黃梧桐葉相藉吾亦苦疢鬼中虛變暴下至今兩頰宸
時：復洞瀉內傷脾胃病飲食頗難化五心一煩熱便

憶水與蔗引領黃昏湯未起此燔炙泥水絕高名讀書
兼獵射從來霜雪姿不向北風謝

旦中歸塗寄詩留別次韻寄答

何事划船火樣忙啾；燕雀欲焚堂臨平山背塘樓路
寸；峰頭挂客腸

相訂南陽合住來斜溝捉瀉壁添灰愁君苦欲思烏

石金粟冬青繞屋栽

旦中山居
多二樹

無須惜別重殷；自是形神兩不分月射蓬牕應照見
若無顏色也緣君

孟舉以詩贈山繭紬次韻答之

殊難撐拄過凶年。選問寒無坐客。羶贈紵更煩賢母授。
孟舉致其母夫人意。藏解錢休向典家捐。香含椒氣真此。前朝時物特令見。惠山繭斑熨棋花。勝土綿炤眼光華。驚隱伴等閒怕上釣。
徒船

絳情感儀非昔年。江南徧地著韋韞。破衣父老留連改。
舊樣兒童力疾捐。閉戶獨裁方護領。舉杯且算裏牽綿。
俗以寒無衣而飲酒曰裏牽綿。從今弄筆顛狂便。斗室爭雄書畫船。

送黃九煙移寓海寧

童穉喜畫字長好。古文辭恨彼不見我。自謂或過之。懼
患投塵鞅。無穢竟不治塗抹。隨時妝汗下。難吾欺。去年

偶見君歎賞絕等夷長歌闕往返強韻爭安危君云此
種詩千載又一奇我不師古人古人每見此人言如某
其令我心不怡規摹形骸誰得肉與皮漢魏及盛唐
名高實益卑期君遙切琢此事須支持

性生不能飲對君盡一斗吾量更變易其故豈坐酒令
日共斟酌忽如枚在口固知離別難先令腸胃朽海寧
聲利場其俗釀白醜小飲不作詩寓居乃可久儻思一
快意掉頭疾西走吾亦思放懷焚香却塵友願共傾瓦

盆賞雪補重九

今年九日雅
集民部不與

次韵答太冲見寄

水澗雞填山不移猶思采藥訪安期并無破壁愁藏錄
只有寒花笑乞詩鹵莽塗刀上語荒唐米浙劍頭炊
知交砥礪還堅忍瀟灑黎洲獨好竒

旦中賣藥吁可怪晦木教書又一竒

晦木書來發
蒙館教書

後世

喜傳高士跡吾徒隱痛壯夫為乾坤定向人材轉文字
豈隨年代卑誰向高峰深海過天風不斷紫濤吹

偶檢閱旦中近書志感即用旦中韻

篋中亂紙盡教焚珍重留看只數君重讀兄書猶吐々
徒存吾意欲云々詩非好作因無寐夢不長來為半醺
捲了還開如夜話渾忘風處却三分

堂中燕雀豈知焚四壁蕭然護細君未免怨尤公尚爾
已判窮餓我何云話多詞少休嫌淡酒薄愁濃不作醺
此夜挑燈三起坐天星半落一江分

歲除雜詩

常說年難過今年分外難市門添藥帳佃戶減租單債
到冬逾急愁因多反寬恐傷良友意不忍道飢寒

孟舉
自校

濟子困
急甚至

小時懷獻節屈指算寒天老怕逢除夕窮思罷過年兒
號買花鼓婦促贖芳鈿我看渾閒事渠愁復可憐

送竈朝真閣憑君奏至尊

廿四日祠竈曰送竈云
上天奏人家一年善惡
言臣

不奉詔勸帝且停籩

終當惜

豈足存明年知

報可伏候降朱旂

掃塵迎玉帝比戶聖躬勞果爾親織細懸知長桀驚

四廿

日掃塵玉帝以廿五日
巡行人家是日奉佛齋芋羹調臘粥芥汁印年糕婦子

精誠在皇天鑒汝曹

壯歲悠、度殘年得、來未聞天意轉又見 星迴雞

系魂投俎金錢骨作灰九州多此象細物詎須哀

雞強知天曙人偏記歲除安能俱混沌不復見盈虛慘

淡明州信荒涼剡曲書平時憂迫索此際更何如

太冲
晦木

旦中書道
近狀孟困

荒歲盡無粟人都慶糴平；還須價值荒豈免科征貴
賤知何益凶豐望亦輕黃金如可作四海奉文成

平生無惡緒惡緒忽斯時剥琢聲先厲支梧語益卑
猶前太歲門是舊鍾馗節到如何辨麻鞋笑爾癡

浩：市聲合荒：窗影斜閒香忙可羨窮算醜難遮節

盒因醫受春盤倚欠賒比鄰簫鼓鬧勸酒上花柳

俗謂鬼神

主人戴枷因服親朋酌酒勸之上枷名花柳額

節序尋常過愁煎此獨頻不知誰氏臘別作一家春醫
廢終年學書堆滿屋貧生慙皇甫謐猶得讀經旬

送別陳子執先生

時屬長公完婚東歸托云公車北上

七年頻送脂車轄怪我曾無祝望詞此別舉杯真拜賀
明春剪燭話離思續刊文集為官索初印詩鈔是土宜
北轍南轅成底事時人原不要渠知

送陳紫綺東歸寄柳津有上

師友淵源一室傳羨君才艷出天然新詩漸脫淞江社
宿習還參臨濟禪雪裏抄書愁墮指醉餘留客戰空拳
計歸正值臘醅熟弟勸兄酬過舊年

甲辰一日

書法先王後有正於今何處問春鶯廿年不檢戊申曆
一日剛占甲子經是日為甲子髮更添栽霜片白草仍舊發

燒痕青雲龍鬪野猶論讖敢怪瘵兒暗裏聽

塵城黃霧曉初開子姪分班賀節來受拜漸多行輩少

稱呼驟老汝曹催桃花紅白隔年飯

歲朝不炊煮即用除夕飯名隔年飯

雜用紅白米曰桃花

柏葉青釀十月醅

十月白酒之清冽者

可惜耗磨間歲

月圍爐倚醉撥殘灰

新歲雜詩

夜來愁促迫晨起笑將迎那有星霜隔徒令面目更爆
稀知歲儉門開為天晴歡喜無多日漕軍又派征

間阻朝正使猶深杜甫悲請看賀宣是儀里

長拜書寫辭牌仍物安用祥為

雨點花腔急雷轟竹爆幽曾為當日樂并作此時愁經
紀窮方學鋒銚老漸收自非桃李徑太歲敢來遊
敬展先人像珠傾兩眼酸女奴論相貌童穉詫衣冠直
為書年異翻今讀祝難于孫餘九死猶是祖遺安

接竈歸廚下迎天置屋中哭庭殊不遠排闥可能通如

許 碎何難 童敢當伊 任策馬願 宮

俗禮却溲設田占野老聞懶便除地禁元日及三日貧
例禁掃除

省供天文供天有柏枝葱
花諸物令刪之雜俎魚盈寸鈎挑蒸作斤宰

盤同一飽珍饌復何分

買瘥差得計賣困豈良方儘廢一春睡難禁終日狂彭

亨撐肚酒繚戾膠牙糖且逐兒童隊沿門致語忙
汛掃南陽舍窗標帶屋斜桑條除蠘子竹箔烙蠶花路
要重開闢蘿休小補遮從來薄生產此意豈為家

待太冲晦木旦中不至示萬貞一黃庶遠

昨得明州字初二到姚江姚江書亦云四日定同行明
州不足信所恃者兩黃依書數日程理我壞脚牀病婦
辨鮭菜長鬢春糶糠算其至會稽信宿劉氏堂初七過
西興八日度錢唐鼓峰為從子定當少留杭更須寬一
日應人求藥方迫促有二公不然殊未央多則計十日
必至無他防冉：十二三忽：日月望貞一怪夫約搖

頸舌木強蘆遠情無緒探及長安塘家人顧我笑底事
今改常出門復入門身如旋蟻忙貞一語蘆遠此事非
所量我謂老懶髯便欲老是鄉况死勸駕友

李佩無
于

無人

助襄糧坐使西園老領領一尺長貞一云不然初一已

束裝此時那得留想住龍華房

杭天長
寺中

蘆遠云兩父雖

訂同四明四明即未來兩父先擔囊胡為尚趨趨慮有
它事妨或倩兒女病天行多痘瘡反留鼓峯住直候乾
膿漿不則髯自病行及西園僵須待其自復豈有人參
湯或醫過素封得直可分嘗或赴友生急義不顧奇殃
除此數事者雖留何用雙疑多不能決畫字算偏旁再

三瀆不告爰辭益難詳安得垂天翅插我兩腋翔視爾
在何許挾爾歸東莊

喜高虞尊事解過話

兩載羈囚出土扉一朝執手淚沾衣直疑魂向天邊返
豈止身從塞外歸著作益工心血在形骸不改鬢毛非
野田羅網何須密黃雀今知斂翼飛

巖傾幽桂鳳巢崩魚脈橫波龍挂骨幾掄哭君江畔石
豈期對我榻前燈飽看死法莫須有羣怪生還得未曾
多少才人無脊骨此中錯鑄放叅僧

追尋往事一愴然臨水登山枉十年眼底墨花開望處

虞尊病日幾廢頂中雪片落愁邊治經土室門生記得句圍墻

獄吏傳患難風流原不減琅當爭笑老癡顛獄中集禮經作詩甚

多

歸來破屋滿生春無食無衣也不貧舉世死為青塚骨

翰君生入玉闈人藏書散失沿門乞有夢書疏家具凶多聚

族輪白酒莫辭頻入手皇天留取不貲身

送別虞尊即寄太冲復仲晦木旦中

六日八日兩日雪力行堂下積一尺幾時飛入窗眼來
堂上有客頭併白細看髮：非雪光一絲兩絲縹愁腸
堂下白痕漸消縮堂上白痕正添長起告我愁欲引去

願君少留歸無遠此間鬱悒築愁城聚斂愁民做一處
黃家兄弟愁最多去年相約今年過安知此時風雪中
不渡百官渡曹娥君家髯叔愁裏生年々賣藥非其情
計無復之渠必出况有萬子相從行萬子年少未解愁
黃家唱罷高家咻如今愁思亦不少眼如蒼鷹臨清秋
此來定向竹橋過竹橋黃氏所居并拉竹橋愁兩箇北關同喚
阿孃船不肯長安日航坐杼山老愁寄信迴麗農買棹直
掠南湖來九々八十一里塘落日未盡城門開羣愁畢
集真快事挑燈三夜無一至南愁香々北愁孤送君踏
雪還西湖天工定怕愁城漲勢將寄愁到天上故令我

輦轡違離山圍水繞不相放不知愁本天所為天以賜
臣：不辭請納羣愁改娛樂愁民罷散愁城墮天還佞
惜不忍遣且看堂堦雪等伴

哭黃坤五

此總非吾土死閩猶死吳來泐浙江骨去慰秣陵孤

先生

閩人流寓白門病甚余勸還寓居曰吾何歸哉在彼猶在此也扶櫬鬼號甚登墓客慟
無所如應滿道肯為求生芻

白木棺三寸先朝侍從臣傳經留獄久

崇禎間同黃石齋先生詣獄

進講展書頻訃報新年齒

今年政七十
總四日耳

銘題舊出身靈

車闌稅重愁絕向通津

廿六日大雪吳孟舉自牧携酒酌高虞尊於力
行堂用東坡遙知清虛堂裏雪正似蒼筤林
中花為韻分得林花字

前歲寒凝蒼筤林十分酒滿也愁侵今年凍合娑羅閣
一尺花飄不厭深天上生成五六瓣人間飛舞億千心

遙知老友空山裏獨畫爐灰出苦音

壬寅冬與晦木復
仲旦中貞一諸子

候虞尊于省中寓祖山寺僧寮值大雪時在憂愁殊乏
清興今隔兩年諸友各離遠獨與虞尊對雪于此舉酒
向天不覺有昔今之感
娑羅閣子小樓也

持尊呼酒豈吾家天作穹廬四面斜徧地孤臣青海食
漫空怨女黑山花愁來繚遶魂先碎醉後迷離眼更遮

安得當心逢日出相携銀閣看朝霞

東坡洗兒詩牧齋作轉語和韻皆穢言也因作

正解和之

養兒須令極聰明姦黠癡頑誤後生想是聰明都未透
沾：止為一公卿

九日書感

九日常年話一樽今年覆掌臥支門亭隅獨下西臺淚
鳥畔誰招東郭魂無復鶴猿依正 猶憑鮫蛋記華元
腐儒自有傷心處不共賓僚說舊恩

送晦木歸餘姚

今年五十一

非因生日避歸山，要向堂前拜母還。
窮過神仙休舉似，老惟嗜好不能刪。
舩衝斷岸牛開路，江入連峰鷺轉灣。
晚節豈堪長度此，南邨早計共安閑。

遷耕瑤亭與改齋同坐次改齋韻

送歸老友指荒蹊，又慰孤清與共栖。
畫得蘭根無好土，拔來蓮葉出淤泥。
方言習熟叢相易，讀性生成課不齊。
蘭點欲從纖細起，改齋新號換詩題。

簡孟舉乞炭

豆豉麥稈無堅質，松片桑條只薄桴。
敢望御頭爭刻畫，但求雞骨耐枝梧。
白花細沸穿心罐，黃熟潛蒸索耳爐。

夜起譚經愁火盡不知君肯續薪無

喜高辰四至遂送之闕

願見辰翁歲七更今朝得面眼尤明意中形貌翻驚瘦
語次寒溫始覺生太白雪蘭曾乞種桐齋油火許分繁
舊有寄乞雪蘭詩辰四論交屈指人難得傾倒無端一
約予至鄞以桐齋置予

愴情

慣從令弟讀家書笑煞相期出每虛豈謂衝矣乘舴舺
翻然迂道到菰蘆來何遽去君情厚見不如聞我學踈
失脚下磯今欲返舩過為報富春漁

連宵坐月倚庭梧影畫三人也不孤但有遠懷難住此

深慙枉駕却因吾露寒江浦收蓮子日滿山城賣荔枝
南宋風流多在彼輕舟拾得寄看無

耦耕詩

只有南陽好耦耕休持妄想與天爭古人不死吾猶在
秋氣無情物亦生募乞買山真戲語零丁誓墓即求名
身將隱矣文馬用不得其平也莫鳴

誰教失脚下漁磯心跡年々處々違雅集團中衣帽改
黨人碑裏姓名非苟全始信譚何易誠死今知事最微
醒便行吟埋亦可無慙尺布裹頭歸

頻呼苦喚耦耕來剡曲明州首不迴各有好山思便往

竟無長策老相催八年倦客違心做
九日寒花滿意開
酌酒南邨須早計莫教頭白望江攄

纔說尋貧去耦耕定知不是耦耕人
草堂圖樣刪來小
口料花名省便均竹選橫斜綠苟且
槿籬破漏為因循
與君拚疊閭家當一把鋤頭六尺身

石鏡銅鑪未可留漱湖雲岫費尋搜
生來不帶看山眼
老去猶支打屋頭好友一時團汐社
俗人隨地畫鴻溝
陋哉笑問仲長統樂志如何田宅求

名註清流異代尊近聞隱跡在朱門
織簾賣藥終南徑
屬稿呈詩秋壑園角里僅存芝鍊骨
端明孤山長往鶴消

竟

聞魏美信

可憐傳記人誰託歌熟田塍子細論

自古禮華少聖賢從茲困阨任皇天甜桃肯颺山梨醋
菱角難磨交實圓照影乍驚非故我看花覺好是今年
一秋雨漲茅塘發力盡柔蒿逆水船

南陽莊屋廿間多兩箇魚池一種荷臨水軒窗供老友
遮橋桃柳引却婆青桑出于蟲鋪蟻紫竹開花雀窩窠
百事荒蕪須振刷歇矣便了奈愁何

新釘尖頭小統棚晴天除脫雨天裝繫門鄰借撐農具
出港人從寫藥方諸子盡能划短棹兩醫時共坐中艚
吳歌款乃風流甚見客無言更覺狂

花飛圓潤墮無聲帶水拖泥過半生敢道癡兒不了事
笑它解后幾成名纏頭一擲曾孤注赤脚今朝始耦耕
最是撩人情思惡殘陽偏傍小窗明

同德冰

冲太

晦木孟舉自救官却看菊

籬下叢：綠玉堆幾行早艷滿盆開名花不肯爭先發

佳客還教傍後來

時重九後未霜降
故佳種多未花

偶得好天容易錯

稀逢異種極難栽人生良友真如此一日須看一百迴

同德冰晦木孟舉自救謁 輔潛菴先生墓

道喪五百年淺草掩真儒學子不知處路人亦忘呼齋
沐約尋謁有友五六俱積雨道邨路直徑成縈迂斷港

與絕流往：逋通渠改卜至再三天廓始清虛溪毛猶
絳樹積水生針魚宰木老剝腹白日眠妖狐馬鬣四五
封遺蛻竟馬居藉草成拜跪所向猶摸鋤却竈乞殘煙
瓣香明柏腴不愁傳火盡所愁野燒殊掃葉索遺跡仆
碣點畫無馭融豈至此殆是碑陰坎當在晦翁門庶幾
曾閤徒密網排偽禁山堂傳工夫俗學聲利場立脚如
龜趺集註及童問經說存師謨語錄尊所聞考亭手定
書鶴山得受讀刊本今及吾自擬則其門豈足供糞除
末學日崩潰支流細分塗嗣法于告子而陽附于與一
花開新建攻鏃及子未誰非含乳兒出門定彎弧魏莪

舊書院基草十丈蕪安得起斯人補苴追逃豬

菜市橋小菴送別晦木旦中

頻年送別此菴中擔板頭陀也笑濃惡夢夜長難得過
好人咒熟幾曾逢竹篲飢鼠偷殘焰佛屋驚鳥起報鐘
豈為破閒酬句法怕看行思太怔忡

勸移家具過江東白髮垂堂計未工石壩三更車斷夢
蓬船二月緯春風長年津吏看成舊穉子嬌鬟語乍通
記得耦耕詩韵在山窗吟影落燈紅

與袁生翰英

俗學西陵鼓利塲山塵湖絮摠顛狂舉頭天外鷲吾子

撐脚人間愧老僧
讀書非高第
事講成醫宣救貧方
虛窗篝火難藏覆
它日枯來味更長

送德冰東歸

終年相對只如斯
又見江沙候渡遲
書板衣囊經世法
菴鐘廟鼓講堂規
雞栖促縮熬霜夜
天老癡呆炒雪時
來往蓬窗成熟識
荒山消息幾人知

白草黃茅路盡顏
深山尋取鑷頭開
欲招天下離魂客
肯抱人間不哭孩
俗字抄書從省筆

自喜聊近字抄書
云省工夫一半

奇文割本素餘材
莫驚殘稿遭蕪底
後世相知誰定來

今年為予州
舊稿為一集

宿菜市橋小菴寄晦木旦中

重到前番送別處又偷佛火話霜寒一時好友東歸盡
三月空樓怕上看經過風濤回想惡未來草稿做成難
吳中競說南陽事不道吾曹眼正酸

別後狂風蹴地浮不知此日渡江不人來月半無書寄
路盡天南有夢游雪覆工夫看硬脊花間向子出尖頭
刪存寶研原無幾忍凍摩洋苦未休

送管襄指

荒園舉手別何心亭子風窗憶苦吟乾菜長齋傳大學
瓦盆半醉畫觀音老僧留守西溪歲妻子團樂梅樹林

隨隊渡江休亦得酒旗禪鼓記相尋

歸舟

恥齋富有明山友忽地冬還半箇無看盡布囊裝竹轎
獨搖艇子落西湖無聲雪煉消寒向淡墨天鈎野別圖
一片荒涼誰共領好留書札待潛夫

船過臯亭雪正深計程也好到山陰寒花點浪遙同看
舊路迴舟細獨尋燭影消磨開眼夢橈聲吹合斷腸吟
歸來索話人難得只合洲錢解此心

隔江同是還鄉棹此際胸脯各樣思久客望家嫌路遠
空軒懷友願歸逢一罈煮剡安平水幾卷同尋北宋詩

且把磁甌繡葉盡儼如分較選鈔時

集飲自牧齋分韻得渠字

從來縱飲因良友酒戶雖高定勝渠此興怕逢生客敗
所言定與俗情踈童知量窄還斟淺婢笑餐饒不望餘
底苦更闌猶秉燭明朝罰例過巢居

重過內家問范隣音疾

烏窠花落滿塘飛撲地漫天點客衣望裏荒田耕未遍
意中熟徑到全非頑苔入座厚三寸野樹穿階長一圍
十五六年春夢過不堪東壁對殘暉

驟雨翻盆細雨絲陰晴天氣做梅時邛經亂後年、異

家到貧來事、癡蛛網塵生。人病久燕窩泥落客來遲。
閒愁觸處難消得屋角啼鼓類子規。

過范玉賓兄弟話舊

漲發茅塘水勢渾輕舟直繫舊離門畫梁乳雀羣生子
花檻叢篁老有孫留聽十年前雨滴起挑三鼓後燈昏
可憐童子頭支壁底事先生徹夜論

話舊先尋兒戲處相看不記老成時亂兵過刺烏皮几
野犬來窺麋眼籬掛破錢塘摹宋畫繡殘北地選唐詩
知君興味還如昔剪燭行杯百不辭